



Projet promovût di 'La Vôs dai Furlans' e 'ARLeF'

Lu saveviso che...?

La cjançon de setemane



"Al è rot il cjalderuç al è spandût dut il cafè, joi, joi se e sa mê mari ce mai sarà di me?..."

Cjantìn insiemi "Il cjalderuç" su



Vuê e je la fieste de pize, un dai plats plui cognossûts tal mont. Il so impast, fof o crostulin, al è come la tele blancje di un pitôr. I nestris ingredients preferîts, invezit, a son i colôrs che a crein une cumbinazion speciâl e gustose. Al è biel mangjâ la pize cu la mame, il papà o i amis e cerçâ tancj guscj diferents! Lu saveviso che a son ancje pizis dolciis cun cjocolate e pomis? Ce idee originâl!



Cumò fâs tu!

Jude il fatorin a cjatâ la strade juste, prime che si disfredi la pize!



O ai cuatri dincj ma nancje une bocje. Cui soio? Il piron!

Dissegne tu!

Dissegne parsore dal impast ducj i ingredients che a coventin par fâ la tô pize preferide.



LES IMAGES A SON GIAMADIS FÜRDI HTTPS://ITEREPIK.COM - HTTPS://PIKABAY.COM - HTTPS://ARLEF.IT/

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



Roc. Ti è vignude tal cjâf une persone che no tu viodis di un pieç, tu fasis ben a clamâle.



Taur. Intes discussions in famee tu âs di vê un grum di pazience e no tu âs di rabiâti. Cussì dut si sclaris miôr.



Zimui. Alc di chei che tu âs intor di te no ti convîç, tu fasis ben a fâ cualchi pas indaûr e a no cjapâ nissun impegn.



Gjambar. Tu sês plui viert cu la int e chest ti permet di cognossi personis gnovis, cualchidune e pues diventâ tô amie.



Leon. La energjie di chei dis achi ti puarte a fâ une vore di sport, ma une compagne no tu le âs intai rapuarts cun chei altris.



Vergjine. Tal lavôr tu rivis a meti in pratiche lis tôs cognossincis e i coleghis ti disin graçis.



Balance. Tu âs di dismenteâ fats e personis leâts al to passât.



Sgarpion. Sta plui dongje a fradis e amis parcè che a podressin dâti il consei just.



Sagjitari. La Lune e à voie di fâti cualchi dispiet e cussì, tant che tu ti gjoldis un moment di pàs, jê ti fâs un çopedon.



Bec di mont. Tu vuelis une vite comude e plene di gjolditi e par vêle tu fasis tancj sfuarçs, atent però a no lassâ indaûr la famee.



Agarûl. Tu âs di frontâ un biel dubi: restâ leât ae vite di ogni di o fâ un biel viaç? In ducj i doi i câs tu cjatarâs un truc.



Pes. Tu âs tacât l'an plen di fuarce e di voie di rivâ, lis stelis a son de tô bande, ce vuelistu plui di cussì?